

東華錄

順治三

臣王先謙敬編

臣周潤蓀恭校

秋七月丙戌朔兵部右侍郎金之俊啟言凡土寇率衆歸順者應赦罪勿論縛渠來獻者應分別敘功就撫之衆州縣官編置牌甲令安故業無恒產者設法安插請頒諭各鎮道府以便遵行攝政睿親王諭土寇本皆吾民渠魁能率衆來歸自當赦罪同黨能縛獻賊首自當論功其就撫之民必馬匹兵器盡數交官方見真心就撫牛驢乃農事必需用得括取滋擾作速行文各道府轉行所屬將地方有無土寇曾否歸降據實詳報卽以此定各官之殿最如有玩寇殃民或貪功生事者必治罪不宥○丁亥禮部啟言定鼎燕京應頒寶祿欽天罰咨稱新法推註已成請易新名伏候

欽定以便頒行攝政睿親王諭治厯明時帝王首重今用新法正
厯以敬迓天休誠爲大典宜名時憲厯用稱朝廷憲天又民至意
自明歲順治二年爲始即用新厯頒行天下監局各官仍公同證
訂新法註厯作速繕寫裝潢呈覽○戊子令平定山東固山額真
覺羅巴哈納石廷柱等移師會固山額真葉臣軍定山西○己丑
禮部議覆順天督學御史曹溶條議考拔貢生應聽學臣於所至
之地便宜考試至褒揚節孝原屬舊制自逆寇荼毒京師誓節死
難之臣所在多有宜聽學臣詳訪啟聞卹其子孫旌其門閭以勵
風節攝政睿親王從之○壬辰以吳華昌爲右僉都御史總督宣
大山西等處兼督巡撫由吏部員外郎遷以侍郎劉徐祐金之俊保舉故
也○以方大猷爲右僉都御史巡撫山東由昭撫山東監軍副使遷○癸巳
上以遷都燕京遣官祭告上帝太廟福陵○甲午祭告

大行皇帝○修政厯法湯若望啟言臣製就渾天星球一座地平日晷窺遠鏡各一具並輿地屏圖恭進王覽再照臣所修西洋新法已蒙欽定爲時憲寶厯所有應用諸厯從此永依新法推算其頒行民厯式樣俟完日進呈攝政睿親王諭所進測天儀器准留覽應用諸厯一依新法推算其頒行式樣作速催竣進呈○天津總督駱養性啟請豁免明季加派錢糧止徵止額並大耗攝政睿親王報曰官吏犯贓審實論斬前諭甚明所啟錢糧徵納每兩火耗三分正是貪婪積弊何云舊例況正賦尙官酌蠲額外豈容多取著嚴行禁革如違禁加耗卽以犯贓論○乙未宣府巡撫李鑑啟薦故明宣大總督江禹緒令吏部行取來京錄用○以党崇雅爲戶部侍郎故明戶部侍郎銓衣衛官舍李諫善啟進自置莊田攝政睿親王諭故明勦戚贍田已業俱准照舊乃朝廷特恩不許官吏

侵漁土豪占種各勦衛官舍亦須加意仰體毋得滋事擾民○丙申吏部侍郎沈惟炳啟請徵聘遺賢以收人望攝政睿親王從之○丁酉朝鮮賀定燕京貢方物○索倫部章京敖爾拖木爾等來貢○招撫山東河南侍郎王鰲永啟薦山東故明大學士謝陞等四十餘人事下吏部又啟報濟南東昌青州臨清等州郡以次撫定前贛送故明德王朱由棨降表又密報聞南中已擁立福王啟元宏光以史可法爲內閣封總兵劉澤清劉良佐黃得功高傑等分據各鎮江北之地彼所必爭請亟補鎮臣移駐曹單控扼淮徐下所司確議○己亥兵部右侍郎金之俊啟薦故明薊遼總督丁魁楚陝西總督丁啟睿陝西巡撫練國事副都御史房可壯吏部員外郎左懋泰河東守道郝炯等攝政睿親王令備送來京錄用○戶部給事中郝傑條陳四事一勸農桑以植根本一撫逃亡以

實戶口一禁耗贖以除苛政一嚴奢侈以正風俗攝政睿親王以
其言有裨新政令該部院卽飭行○山東巡按朱朗鑒啟言中外
臣工皆以衣冠禮樂覃敷文教頃聞東省新補監司三人俱關東
舊臣若不加冠服以臨民恐人心驚駭誤以文德興教之官疑爲
統兵征伐之將乞諭三臣各製本品紗帽圓領臨民理事攝政睿
親王諭旨下急勦逆賊兵務方殷衣冠禮樂未遑制定近簡用各
官姑依明式速製本品冠服以便蒞事其尋常出入仍遵國家舊
制○庚子大同總兵官姜瓖因王諭切責內不自安至是具啟引
罪求罷攝政睿親王諭令洗心易慮管總兵官事如故儻仍前不
悛越分干預國有定法毋自取戾○設故明長陵以下十四陵司
香內使各四人○辛丑 上以中原平定免盛京滿洲漢人額輸
糧草布疋○壬寅攝政睿親王諭官吏軍民人等曰嘗聞德惟善

政政在養民養民之道必省刑罰薄稅歛然後風俗醇而民生遂自明季禍亂以來刁風日競閭閻細故輕瀆聽聞以赴訴爲等閒以誣告爲常事設機構訟敗俗傷財心竊痛之自今以往嘉與維新凡五月初二日昧爽以前不拘在京在外事無大小已發覺未發覺已結正未結正悉行宥免如違謾與訟者卽以所告之罪罪之官司受聽者併治以後鬪毆婚姻田細事止就道府州縣官聽斷歸結重大事情方赴撫按告理在京仍投通狀聽通致司查實轉送刑部問擬其五城御史有例應受理送問者照舊送問非係機密重情不許入京赴訴儻奸棍訟師沿襲惡俗陷害良民定加等反坐以挽澆風至於前朝弊政厲民最甚者莫如加派遼餉以致民窮盜起而復加勦餉再爲各邊抽練而復加練餉惟此三餉數倍正供苦累小民剔脂刮髓遠者二十餘年近者十餘年天下嗷

嗷朝不及夕更有召買糧料名爲當官平市實則計畝加徵初議准作正糧旣而不與銷算有時米價騰貴每石四五兩不等部議止給五分之一高下予奪惟賄是憑而交納衙門又有奸人包攬猾胥抑勸明是三餉之外重增一倍催科巧取殃民尤爲糲政茲哀爾百姓困窮夙害未除痼癥切體微天之靈爲爾下民請命自順治元年爲始凡正額之外一切加派如遼餉勦餉練餉及召買米石盡行蠲免各該撫按卽行所屬各道府州縣軍衛衙門大張榜示曉諭通知如有官吏朦朧混徵暗派者察實糾參必殺無赦儻縱容不舉卽與同坐各巡按御史作速叱馭登途親自問民疾苦凡境內貪官污吏加耗受賕等事朝間夕奏毋得少稽若從前委理刑官查盤委府州縣訪惡純是科索紙賄夥取贓罰名爲除害實屬害民今一切嚴行禁絕州縣倉庫錢糧許道府時時親

嚴衙蠹豪惡止許於告發時從重治罪總不容假公濟私腴民肥
已有負朝廷惠養元元至意○諭諸王及官民人等曰凡我黎民
無論新舊同屬朝廷赤子近聞有將歸順人民給與滿字背帖徑
充役使或給發贖本令其貿易同於家人或擅發告示占據市行
與民爭利虧損國稅亂政壞法莫此爲甚除已往姑不追究外自
今傳諭以後宜亟改正若仍怙勢不悛定置重典決不輕宥其新
附軍民力能自贖者宜各安本業不許投充勢要甘爲奴僕如有
奸棍土豪自知積惡畏懼有司因而委曲鑽營結交權貴希圖掩
飾前非仍欲肆志害民者定行加等重治如果鱗寡孤獨無計自
存許親赴順天府呈告轉咨戶部啟聞○平定山東固山額真覺
羅巴哈納石廷柱言前遣人招故明總督李化熙已約期來見尙
有王副將趙旂鼓懼罪不降攝政睿親王令兵部移咨招化熙並

王副將捐旂鼓降○癸卯左庶子李若琳啟薦故明詞臣陳具慶
韓四維林增志高爾儼張懋錫成克鞏等攝政睿親王令備送來
京錄用○太監吳添壽等請照舊例遣內員徵收涿州寶坻縣皇
莊錢糧攝政睿親王諭差官必致擾民者歸併有司另項起解○
順天督學御史曹溶條陳三事一開支廩餼請仍明制在京者戶
部支給在外者州縣官支給一賑助貧生兵燹之後士有菜色請
廣新恩給以錢粟一優卹死節寇亂時臨雖殞身者順天一學不
下百人請沛浩蕩之恩用勵風化下所司亟議行○甲辰以楊方
興爲兵部右侍郎兼右僉都御史總督河道山內密書院學士馬國柱爲
右副都御史巡撫山西由左僉都御史遷陳錦爲右僉都御史巡撫登萊
由內院副理事官遷○吏部左侍郎沈惟炳故薦故明尚書張忻寺三十餘
人令詳註履歷以聞已奉諭起用者仍行文催取○遣官往房山

訪金朝陵寢仍繪圖進覽○巡撫山東河南侍郎王鰲永啟報撫
定青州郡縣前齎故明衡王降書以聞又請蠲免山東錢糧如河
北例從之○修政厯法湯若望啟言敬授民時全以節氣交營與
太陽出入晝夜時刻爲重若節氣之時日不真則太陽出入晝夜
刻分俱謬矣厯憎大統回回舊厯所用節氣止泥一方且北直之
節氣春分秋分前後俱差一二日況諸方平薄海內外盡知紕繆
安可謂敬授民時之信厯也新法之推太陽出入地平環也則有
此晝而彼夜此入而彼出之理若舊法以一處而概諸方不明經
緯之奧故日月多應食而不食富食而失推五星富疾而反遲應
伏而反見種種差謬難以枚舉今以臣局新法所有諸方節氣太
陽出入晝夜時刻俱照道理遠近推算共增數聚加於厯首以協
民時以前民用裝潢告成恭呈王覽傳於厯尾附列五官等職名

今用新法不係監官推算亦應更改庶於大典有光攝政睿親王
諭新厯節氣交脫與太陽出入晝夜時刻按道理遠近推算諸方
各有不同果爲精確但字畫細小行款稠密宜更定式樣以便頒
行瀋陽改寫盛京厯尾五官等官職名既係舊例著附列湯若望
之後仍取該監更定厯樣呈覽○招撫山西應襲肅順侯吳惟華
敵報山西代州歸順○工科給事中朱鼎清啟言從來撫按鎮道
各有職掌今總管官位敵王侯脅令監司以下悉行屬禮剛愎自
用全無和衷之誼其鎮委添設各弁擾民滋害挾制有司致使畏
縮不能盡職是地方有官而無官民未蒙福而先受害也請嚴飭
各鎮道臣文專理民武專緝賊民失撫字非文賊縱剽掠非武仍
責令撫按嚴覈不時糾參其濫委雜存盡行斥革各州縣土寇竊
發小者守令緝捕大者無鎮勦除庶權一而法行矣攝政睿親王

從之○丁未兵部左侍郎劉餘祐以京東土寇竊發請移順天巡撫駐密雲薊州道駐遵化攝政睿親王從之又啟薦故明尚書仇維禎等八人下吏部知之○戊申兵部右侍郎金之俊啟劾通州道鄭輝優游養寇勦撫無聞三關鎮臣郝之潤借名誅僞縱兵肆掠請趣畿南北按臣及監司以下官速補赴任攝政睿親王令解輝之潤任仍諭御史叱馭星馳毋稍觀望其地方緊要員缺吏部速與銓補○庚戌順天巡撫宋權請行久任考成之法下部知之○辛亥工部左侍郎葉初春以新鑄制錢每七文作銀一分錢價日增民未稱便請頒內庫舊鑄當五制錢並鑄當二錢以濟民用不允○壬子攝政睿親王令南來副將韓拱薇參將陳萬春等齎書致史可法曰子向在瀋陽卽知燕山物望咸推司馬及入關破賊得與都人士相接見識介弟於清班曾託其手勒平安拳致東

緒未審以何時得達比聞道途紛紛多謂金陵有自立者夫君父之讐不共戴天春秋之義有賊不討則故君不得書葬新君不得書卽位所以防亂臣賊子法至嚴也闖賊李自成稱兵犯關手毒君親中國臣民不聞加遺一矢平西王吳三桂介在東陲獨效包胥之哭 朝廷感其忠義念累世之宿好棄近日之小嫌爰整貔貅驅除狗鼠入京之日首崇懷宗帝后謚號卜葬山陵悉如典禮親郡王將軍以下一仍故封不加改削勦賊文武諸臣咸仕朝列恩禮有加耕市不驚秋毫無擾方擬秋高氣爽遣將西征傳檄江南聯兵河朔陳師鞠旅戮力同心報乃君國之仇彰我 朝廷之德豈意南州諸君子苟安但夕弗審事機聊慕虛名頓忘實害予甚惑之國家之撫定燕都乃得之於闖賊非取之於明朝也賊毀明朝之廟主辱及先人我國家不憚征繕之勞悉索敝賦代爲雪

恥孝子仁人當如何感恩圖報茲乃乘逆寇稽誅王師暫息遂欲
雄據江南坐享漁人之利揆諸情理豈可謂平將以謂天塹不能
飛渡投鞭不足斷流耶夫闖賊但爲明朝祟耳未嘗得罪於我國
家也徒以薄海同仇特申大義今若擁號稱尊便是天有二日儼
爲勅敵子將簡西行之銳轉槍東征且擬釋彼重誅命爲前導夫
以中華全力受制潢池而欲以江左一隅兼支大國勝負之數無
待蓍龜矣予聞君子之愛人也以德細人則以姑息諸君子果識
時知命篤念故主厚愛賢王宜勸令削號歸藩永綏福祿 朝廷
當待以虞賓統承禮物帶礪山河位在諸王侯上庶不負 朝廷
仗義討賊興滅繼絕之初心至南州羣彥翩然來儀則爾公爾侯
列爵分土有平西之典例在惟執事實圖利之晚近士大夫好高
樹名義而不顧國家之急每有大事輒同築舍昔宋人議論未定

兵已渡河可爲殷鑒先生領袖名流主持至計必能深惟終始甯
忍隨俗浮沈取舍從違應早審定兵行在即可西可東南國安危
在此一舉願諸君子同以討賊爲心毋貪一身瞬息之榮而重故
國無窮之禍爲亂臣賊子所笑予實有厚望焉記有之惟善人能

受盡言敬布腹心佇聞明教江天在望延跂爲勞書不宜意可法

旋遣人報書語多不屈

書曰大明國督師兵部尚書兼東閣大學士史可法頓首謹啟

大清國攝政王殿

下南中向接好音法隨遣使問訊吳大將軍未敢遽通左右非委
差義於草莽也歸以大夫無私交春秋之義今倥偬之際忽奉琬
琰之章真不啻從天而降也循讀再三殷殷教誨若以逆賊尙稽
天討煩貴國憂法且感且愧懼左右不察謂南中臣民偷安江左
竟忘君父之怨敬爲貴國一詳陳之我大行皇帝敬天法祖勤政
愛民真堯舜之主也以庸臣誤國致有三月十九日之事法待罪
南樞救援無及師次淮上凶問遂來地圻天崩山枯海泣嗟乎人
孰無君雖肆法於市朝以爲泄泄者之戒亦奚足謝先皇帝於地
下哉爾時南中臣庶哀慟如喪考妣無不拊膺切齒歡悉東南之
甲立翦兇仇而二三老臣謂國破君亡宗社爲重捐軀與迎立今上
以繫中外之心今上非他神宗之孫光宗厝子而大行皇帝之兄
也名正言順天與人歸五月朔日駕臨南都萬姓夾道歡呼聲聞

數里羣臣勸進今上悲不自勝讀再讓三僅允監國迨臣民伏闕
屢請始以十五日正位南都從前鳳集河清瑞應非一卽告廟之
日紫雲如蓋脫又升霄萬目共瞻欣傳盛事大江湧出相梓數十
萬章助修宮殿豈非天意也哉越數日遂命法視師江北刻日西
征忽傳我大將軍吳三桂借兵貴國破走逆賊爲我先皇帝后報
喪成禮掃清宮闕撫輯羣黎日罷薙髮之令示不忘本朝此等舉
動震古鑠今凡爲大明臣子無不長跪北向頂禮如願豈但如明
禮所云感恩圖報已乎謹於八月朔治筵簞遣使犒師兼欲請命
鴻裁連兵西討是以王師既發復次江淮乃辱明誨引春秋大義
來和詰責善哉乎臣言之然此文爲列國君薨世子應立有賊不
討不忍死其台者立說耳若夫天下共主身殉社稷背宮皇子慘
變非常而猶拘牽不卽位之文坐昧大一統之義中原鼎沸倉卒
出師將何以維繫人心號召忠義紫陽綱目雖事春秋其間特書
如莽移漢鼎光武中興丕發山陽昭烈陣喪愍亡國曾元嗣基
徽欽蒙塵宋高續統是皆於國仇未翦之日亟正位號稱曰未嘗
斥爲自立率以正統予之甚至元宗幸蜀太子卽位靈武議者統
之亦未嘗不許以行權幸其光復舊物也本朝傳世十六正統相
承自治冠帶之族繼絕存亡仁恩遐被貴國昔在先朝夙舊封號
職在盟府寧不聞乎今痛心本朝之難驅除亂逆可謂大義復著
於春秋矣昔契丹和宋止歲輸以金綰同紇助唐原非利其土地
况貴國篤念世好兵以義動萬代瞻仰在此一舉老乃乘我蒙難
棄好崇仇竊此禍員爲德不卒是以義始而以利終爲賊人所竊
笑也貴國豈其然往先帝軫念潢池不忍盡戮勸撫互用貽誤至
今今上天縱英武刻刻以復仇爲念廟堂之上和衷體國介冑之

士飲泣枕戈忠義民兵願爲國死竊以爲天亡逆賊當不越於斯時矣竊曰樹德務滋除惡務盡今逆賊未服天誅謀知捲土西奔方圖報復此不獨本朝不共戴天之憾抑亦貴國除惡未盡之憂伏乞堅固仇之誼全始終之應合師進討問罪秦中共棄逆賊之類以快靈天之憤則貴國義聞昭耀千秋本朝報復力是親從此兩國世通盟好傳之無窮不亦休乎至於牛耳之盟則本朝使臣久已在疆不日抵燕奉盤盂從事矣法北望陵廟靈祐可擬身肅大義罪惡昭然用以奉卽從先帝實爲社稷之故傳曰竭股肱之力繼之以忠貞法處今日致命遠志克盡臣節所以報也惟願下實昭鑒之宏光緒甲申九月十五日 裁六部蒙

古侍郎○以巴山篇工部侍郎

由舊事官遷

○以王文奎爲右副都御

史巡撫保定

由內弘文院學士遷

羅繡錦爲右副都御史巡撫河南

由內國史院學

士○設京城巡捕南北營參將二把總十巡兵二千名以兵部主

事一員督之○癸丑雨雹○太常寺請於仲秋祭社稷攝轡

親王諭俟聖駕至京南郊禮成後舉行○甲寅攝政睿親王

諭官民人等曰書有云惟后非賢不父故帝王圖治必勞於求賢而逸於任人得賢則治理維熙不得賢則民生憔悴予所以展轉